

欽定四庫全書

子部

神農本草經疏卷

二十一至
二十二



南京中醫藥大學圖書館版權所有

詳校官太醫院吏目臣周世泰

編修臣倉聖脈覆勘

欽定四庫全書

神農本草經疏卷二十

蟲魚部上品

總五十種今疏其要者十三種

石蜜

蜜蠟

龜甲

珍珠

赤蜈蚣

石決明

明
繆希雍撰

牡蠣

瑤瑁

文蛤

蠡魚

鯽魚

鯽

鯽魚膽

附肉鱗

石蜜味甘平無毒微溫主心腹邪氣諸驚癇瘕安五藏
諸不足益氣補中止痛解毒除衆病和百藥養脾氣除
心煩食飲不下止腸澼肌中疼痛口瘡明耳目久服強
志輕身不饑不老延年神仙

產作瘕

疏○石蜜蜂採百花釀成故本經味甘氣平別錄微
溫無毒得草木羣英之精華合露氣以釀成故其氣

清和其味純甘施之精神氣血虛實寒熱陰陽內外
諸病罔不相宜經曰裏不足者以甘補之甘為土化
土為萬物之母石蜜具天地間至甘之味故能安五
藏諸不足及益氣補中除衆病也心經有熱則為諸
驚癇瘈得甘緩之氣則心火降煩熱除諸驚癇瘈平
矣諸痛癢瘡瘍皆屬心火故又能止肌中疼痛及口
瘡也甘主解毒故能和百藥甘主入脾故能養脾氣
脾氣得所養而飲食自下腸辟止矣五臟足氣血充

則耳目聰明不饑不老輕身強志延年神仙所自來
矣

主治叅互

同蘆根汁梨汁人乳牛羊乳童便治噎膈大便燥結
用此潤之有痰加竹瀝 煉熟和諸丸藥及膏子主
潤五藏益血脈調脾胃通三焦塗火灼瘡能緩痛
仲景方蜜導煎治陽明病自汗小便反利大便鞭者
用蜜三合銅器中微火熬之候凝如飴狀至可丸乘

熱捻作挺令頭銳大如指長寸半許候冷納穀道中
少頃即通也一法加皂角細末二分攪勻尤速 產
書產後口渴用熟蜜不計多少熱水調服即止 全
幼心鑑痘癰作癢難忍抓成瘡及痂欲落不落百花
膏主之用上等石蜜不拘多少湯和時時以翎刷之
効 肘後方天行膚瘡頭面及身須臾周匝狀如火
瘡皆戴白漿隨決隨生不即療數日必死差後瘡癰
黯色一歲方滅此惡毒之氣深入也用蜜入升麻煎

過數數拭之

簡誤

石蜜雖稱補五藏益脾胃然而生者性寒滑能作泄
大腸氣虛脫穀不化者不宜用嘔家酒家不宜用中
消蠱脹不宜用溼熱脚氣不宜用生者有小毒尤不
宜食青赤酸者食之令人心煩不可與生葱同食害
人若與蒿苳同食令人利下食蜜飽後不可食鮓令
人暴亡

蜜蠟味甘微溫無毒主下痢膿血補中續絕傷金瘡益氣不饑耐老 白蠟療久洩辟後重見白膿補絕傷利小兒久服輕身不饑

疏○蠟石蜜之凝結於底者也蜜性緩質柔故主潤臟腑經絡蠟性瀉質堅故能療久痢洩辟後重下膿血也甘能益血補中溫能通行經脈故主續絕傷及金瘡也中得補則氣自益故久服能不饑輕身耐老也男子女人大小內外皆可施而別錄獨云利小兒

者非也

主治叅互

得象牙末等能去漏管長肉見象牙條下 得膩粉

珍珠末黃檗末龍腦香鉛丹蛙竹屑葱白猪脊髓治

陰蝕惡瘡 同孩兒茶鉛丹胡粉水龍骨粉霜龍骨

黃檗猪膽汁炙猪脂作膏治內外臙瘡久不愈 金

匱方調氣飲治赤白痢少腹痛不可忍後重或面青

手足俱變者用黃蠟三錢阿膠三錢同溶化入黃連

末五錢攪勻分三次熱服神効 千金方膠蠟湯治
熱痢及婦人產後下痢用蠟二碁子大阿膠二錢當
歸二錢半黃連三錢黃檗一錢陳廩米半升水三升煮
至一升去米入藥煎至一鍾溫服神効

簡誤

火熱暴痢不宜用

牡蠣味鹹平微寒無毒主傷寒寒熱溫瘧洒洒驚恚怒
氣除拘緩鼠瘻女子帶下赤白除留熱在關節榮衛虛

熱去來不定煩滿止汗心痛氣結止渴除老血瀦大小腸止大小便療洩精喉痺咳嗽心脇下痞熱久服強骨

節殺邪鬼延年

貝母為之使得甘草牛膝遠志蛇牀子良惡麻黃細辛吳茱萸

疏○牡蠣得海氣結成故其味鹹平氣微寒無毒氣薄味厚陰也降也入足少陰厥陰少陽經其主傷寒寒熱溫瘧洒洒驚恚怒氣留熱在關節去來不定煩滿氣結心痛心脇下痞熱等證皆肝膽二經為病二經冬受寒邪則為傷寒寒熱夏傷於暑則為溫瘧洒

洒邪伏不出則熱在關節去來不定二經邪鬱不散
則心脇下痞熱邪熱甚則驚悸怒氣煩滿氣結心痛
此藥味鹹氣寒入二經而除寒熱邪氣則榮衛通拘
緩和而諸證無不瘳矣少陰有熱則女子為帶下赤
白男子為洩精解少陰之熱而能斂瀉精氣故主之
也鹹屬水屬陰而潤下善除一切火熱為病故又能
止汗止渴及鼠癩喉痺咳嗽也老血者宿血也鹹走
血而軟堅所以主之其性收斂故能瀉大小腸止大

小便利也腎主骨入腎益精則骨節自強邪本因虛而入肝腎足則鬼邪自去人以腎為根本根本固則年自延矣更能止心脾氣痛消疝瘕積塊癭瘤結核脇下堅滿等證皆寒能除熱鹹能軟堅之功也

主治參互

同生地黃黃耆龍眼五味子酸棗仁麥門冬白芍藥
伏神黃蘗當歸治心腎虛盜汗 同黃蘗五味子地
黃山茱萸枸杞子車前子沙苑蒺藜蓮鬚杜仲治夢

遺泄精加牛膝則兼治赤白濁 同地黃黃蘗阿膠
木耳炒黑香附白芍藥地榆麥門冬續斷青蒿鼈甲
蒲黃止婦人崩中下血及赤白帶下 仲景方同龍
骨入柴胡桂枝各湯內取其收斂浮越之陽氣固脫
而鎮驚更能除胸脇中痞硬 藏器方同麻黃根蛇
牀子為粉去陰汗 本事方虛勞盜汗牡蠣粉麻黃
根黃耆等分為末每服二錢水煎服 仲景金匱玉
函方傷寒傳成百合病如寒無寒如熱無熱欲卧不

卧欲行不行欲食不食口苦小便赤色得藥則吐變
成渴疾久不瘥者用牡蠣煅二兩栝樓根二兩為細
末每服方寸匕用米飲調下日三服 古今錄驗方
水病囊腫牡蠣粉二兩乾姜炮一兩研細冷水調稠
掃上須臾囊熱如火乾則再上小便利即愈一方用
葱汁白麵同調小兒不用乾姜 經驗方男女瘰癧
用牡蠣粉四兩玄參末三兩甘草一兩麵糊丸梧子
大每三十九酒下日三服服盡除根不拘已破未破

皆効 普濟方月水不止牡蠣煨研細米醋搜成團
再煨研末以米醋調艾葉末熬膏丸梧子大每用醋
湯下四五十九

簡誤

凡病虛而多熱者宜用虛而有寒者忌之腎虛無火
精寒自出者非宜

龜甲味鹹甘平有毒主漏下赤白破癥瘕瘕瘕五痔陰
蝕溼痺四肢重弱小兒顛不合頭瘡難燥女子陰瘡驚